



Arkiivaáššennr. 25/271

Ášši	Gos	Goas
	Sámedikki dievasčoahkkin	-
009/25	Plána ja finánsalávdegoddi	18.11.2025-21.11.2025

Saksframlegg

Sámedikki dievasčoahkkin meannuda ja mearrida Sámedikki čoahkkinortnega ja vuodđonjuolggadusaid rievdadusaid. Dievasčoahkkin mearridii rievdadit Sámedikki vuodđonjuolggadusaid áššis 36/25 geassemánu 2025.

Mearradusástis rievdadii dievasčoahkkin vuodđonjuolggadusaid § 1:

"Ođđa njeallját oassi § 1 Sámedikki vuodđonjuolggadusain (lasáhus):

Sámediggi čađáha unnimusat njeallje dievasčoahkkima juohke kaleanddarjagis."

. Vuodđonjuolggadusaid rievdadusat fertejit mearriduvvot guovtti čuvvovaš sámediggeáigodagas.

Vuodđonjuolggadusaid § 14 cealká:

"Vuodđonjuolggadusaid rievdadeamit:

Vuodđonjuolggadusaid rievadanevttohusat galget meannuduvvot guovtti čuvvovaš sámediggeáigodagas.

Rievdadusmearradus ii doaibmagoađe ovdal go leat dohkkehuvvon guovtti čuvvovaš sámediggeáigodagas.

Vuodđonjuolggadusaid rievdadusat mearriduvvojit eanetlogumearrádusa bokte.

Vuosttaš oasi njuolggadus ii gusto vejolaš rievdadusaid mat čuvvot sámelága njuolggadusaid rievdadeamis. Dákkár áššiin ovddiduvvo ášši Sámediggái dábalaš vugiin."

Ášši ovddiduvvo ge dan sivas dievasčoahkkinjođihangotti bealis nuppi meannudeapmái Sámedikki dievasčoahkkimis.

Behandling

Sámedikki dievasčoahkkinjođihangoddi ovddida vuodđonjuolggadusaid rievadanevttohusa nuppi meannudeapmái Sámedikkis dievasčoahkkimis, vrd.vuodđonjuolggadusaid § 14.

Dievasčoahkkinjodihangotti mearrádusevttohus:

Sámedikki dievasčoahkkin mearridii rievdadit Sámedikki vuodđonjuolggadusaid § 1 dievasčoahkkimis áššis 36/25 geassemánu 2025.

Vuodđonjuolggadusaid rievdadusat galget dohkkehuvvot guovtti čuvvovaš sámedieggáigodagas, vrd. vuodđonjuolggadusaid § 14.

Sámedikki dievasčoahkkin lea meannudan ášši nuppes vuodđonjuolggadusaid § 14 vuodul ja mearrida lasihit ođđa njeallját oasi Sámedikki vuodđonjuolggadusaid § 1ii:

"Sámediggi čadaha unnimusat njeallje dievasčoahkkima kaleanddarjagis."

Rievdadus boahtá fápmui go lea dohkkehuvvon dievasčoahkkimis.